



KENYATAAN MEDIA

UNTUK SIARAN SERTA MERTA

PROGRAM BIZFRANCAIS PULAU PINANG 2023 SEDIAKAN PLATFORM BANTU USAHAWAN MELALUI PERNIAGAAN FRANCAIS

BUTTERWORTH, 7 OKTOBER 2023 – Kementerian Pembangunan Usahawan dan Koperasi melalui agensinya, Perbadanan Nasional Berhad (Pernas) menyasarkan potensi pembiayaan di Pulau Pinang pada tahun ini bernilai sebanyak **RM6 juta**.

Sehingga kini sebanyak RM13.9 juta telah disalurkan kepada usahawan Pulau Pinang di mana sebanyak 96 jenama francais dan pra-francais negeri tersebut telah dibangunkan dengan bantuan Pernas.

Program BizFrancais Pulau Pinang merupakan kerjasama di antara Pernas dengan kerajaan negeri Pulau Pinang di mana Pulau Pinang merupakan lokasi keempat bagi siri jelajah Program BizFrancais pada tahun 2023. Program BizFrancais telah diperkenalkan sejak tahun 2019 di mana Pernas telah menganjurkan 18 siri program BizFrancais dan pada tahun ini, Program BizFrancais diadakan di enam (6) lokasi iaitu Pulau Pinang, Perak, Pahang, Johor, Sabah dan Sarawak.

Sejak Program BizFrancais diperkenalkan, Pernas telah meluluskan pembiayaan sebanyak **RM14.94 juta**. Sehingga kini, Pernas telah menyalurkan sejumlah **RM428 juta** pembiayaan francais kepada **2,187** usahawan francais. Bagi tahun 2023, sebanyak **RM50 juta** diperuntukkan untuk pembiayaan francais dan pra-francais.

Bercakap ketika majlis perasmian Program BizFrancais Pulau Pinang 2023, YB Tuan Haji Roshidi bin Zinol, EXCO Perdagangan, Pembangunan Usahawan dan Luar Bandar, Negeri Pulau Pinang menyatakan, program BizFrancais adalah satu platform untuk memberi pendedahan serta kesedaran kepada orang ramai

mengenai perniagaan francais dan mempromosi Pernas sebagai sebuah agensi kerajaan yang diberi mandat untuk meningkatkan industri francais negara.

Beliau turut menyatakan penganjuran program ini adalah selaras usaha kerajaan negeri Pulau Pinang untuk meningkatkan penglibatan warga Pulau Pinang dalam bidang keusahawanan dan perniagaan serta memperkasakan kapasiti dan keupayaan usahawan tempatan.

“Saya percaya lebih banyak perniagaan francais dapat dibangunkan di negeri Pulau Pinang. Saya juga mahu melihat perniagaan pra-francais yang berpotensi di negeri ini dapat dikenalpasti serta dimajukan dan sekali gus dapat membantu membangunkan pertumbuhan ekonomi di Pulau Pinang.”

Manakala Dato' Hazimah binti Zainuddin, Pengurus Pernas berkata Pernas turut memperhebat usaha melahirkan usahawan francais dengan melalui Projek Be Your Own Boss (BYOB) di mana program ini menasarkan golongan wanita melalui Program Successful Women Entrepreneurship Engagement Talents (SWEET) dan Young Entrepreneurship Engagement Talents (YOUNITY) untuk golongan belia.

Bagi melebarkan sayap jenama-jenama francais ke antarabangsa, Pernas turut giat menjalin hubungan kerjasama dengan negara-negara luar bagi membuka peluang kepada jenama tempatan ke pasaran luar.

Program BizFrancais Pulau Pinang 2023 turut dihadiri Dato' Abu Bakar As-Sidek bin Dato' Haji Mohd Sidek, Pengurus Jawatankuasa Eksekutif Pernas.

Untuk urusan media, sila hubungi: Nurzahirah Md. Zamri, Jabatan Komunikasi Strategik Pernas melalui emel, nurzahirah.zamri@pernas.my atau hubungi talian 03-2082 7788 samb. 7949.

PERBADANAN NASIONAL BERHAD (PERNAS)

Pernas adalah sebuah syarikat pegangan pelaburan ditubuhkan pada 29 November 1969 yang dimiliki oleh Menteri Kewangan Diperbadankan (MOF Inc.) dengan mandat untuk menerajui pembangunan industri francais di Malaysia.

Mulai 2004, Pernas mempunyai sasaran untuk menerajui perkembangan industri francais di Malaysia dan membangunkan jumlah usahawan francais, melalui kepakarannya dengan menawarkan perkhidmatan serta produk-produk yang berkualiti seperti berikut:

1. Skim pembiayaan yang merangkumi semua keperluan perniagaan termasuk perbelanjaan modal dan keperluan modal kerja;
2. Pembiayaan dan pelaburan ekuiti untuk membantu meningkatkan pemilikan ekuiti bumiputera dalam sektor francais strategik; dan
3. Khidmat latihan, bimbingan dan konsultasi untuk pembangunan usahawan ke arah perniagaan francais.

Pernas menyediakan khidmat latihan dan skim khas untuk francaisor dan francaisi dan mengalu-alukan rakan-rakan francais ke Malaysia. Selain itu, Pernas juga menawarkan perkhidmatan lain seperti latihan, penyewaan ruang runcit, pelaburan & pembiayaan harta tanah (berkaitan dengan francais) dan pelaburan ekuiti.

Berpusat di Ibu Pejabat di Bangsar South, Pernas juga mempunyai lima pejabat koridor iaitu Pejabat Koridor Utara, Pejabat Koridor Pantai Timur, Pejabat Koridor Selatan, Pejabat Koridor Sabah dan Pejabat Koridor Sarawak yang bersedia menjalankan peranan mereka dalam membangunkan lebih ramai francaisor dan francaisi.